

浮山縣志卷之六

山川 附水利八景

禹奠高山大川首列冀州冀州山川維古稱雄矣浮山冀地中區邑當山川會中條左踞浮山右列龍角峙其前黑山聳其後而澇涵諸水周流環繞雅有包鑄羣山襟帶衆水之勢實冀地鍾靈奧域也志山川

龍角山

在縣南三十五里東西二峰對峙高出雲漢一統志以形肖故名 翼城志西北峯屬浮山東

南峯屬翼城 唐志武德二年析襄陵置浮山縣東南有羊角山四年以老子祠更名神山 唐武德三年邑

浮山縣志 卷之六 山川

人吉善行言於羊角山下見白衣父老曰為吾語唐天子吾為老君而祖也事聞詔以其地立廟 舊志舊名

羊角山初漢時羊角哀死於此後左伯桃亦死焉故名 唐武德間更名龍角下有珍珠洞深不可測東峯巔

有華池上建嘉澗侯左伯桃廟西峯巔建孚祐將軍羊角哀廟俱開元十八年修建每四月八日有司詣山致

祭後又稱東西二峯 崔元明龍角山慶唐觀金籙齋頌於鑠茲山會神之寓西對姑射北隣天柱實通仙之

秘府也正殿肅穆廣庭森沉峯巒左右松栝交陰總虛無以靜深也石壇重階甍甍環甃隱訣參伍洞章護持

三元表辰八月降誕每至是日展法於斯修金籙齋啟玉帛印道家之寶王者之儀靡盛於此矣 唐李用德

晉州羊角山慶唐觀記一卷 殷寅元應見詩復茲秦嶺上更似霍山前

珍珠洞

在龍角山深不可測會產珍珠故名屢著靈蹟孫景文天聖宮碑初慶唐觀之東南其峯峭拔

藤蘿盤屈素有洞宮名珍珠多歷年所唐大曆中嘗勅以玉簡金龍投於此洞至晉天福間有奉使新羅者及至其國見向之二寶俱泚出水中既還長安因表以進之及其洞之內每風恬霧霽往往聞笙簫管磬之聲若

鈞天九成彷彿在耳

北谷 在龍角山宋建隆二年七月晉州神山縣北谷中有鉄隨水流出方二丈三尺重七千斤

漫天嶺 在縣西南三十里與龍角東西相踞半屬臨汾半屬浮山

堯山 在縣東八里即中條之西麓上有帝堯祠祠東有堯時古井深百尺又有老君祠 金范棗帝堯廟

記神山縣東有堯山柏樹森然回環十數里其巔有堯祠在焉 舊志帝堯避暑於此歷代有碑記每四月二

十八日有司詣山致祭

浮山縣志 卷之六 山川

天壇山 在堯山南三里上有石壇三級名天壇東有龍井 舊志在縣東南五里山背懸崖峭壁多奇

峯怪石青嵐如畫一名南堯山由橫嶺蜿蜒而趨乃堯山西南結聚處突兀撐空上有真武廟玉皇閣及太乙

閣為邑勝景

橫嶺 在縣東四十里一名中條山南與翼城東烏嶺相連北與岳陽草峪嶺相聯東支遙接沁河界實中

條之支也

司空山 在縣東南二十里原名風穴因上建司空廟故易名山腹空虛行者步履有聲相傳其巔舊有

穴樵者納衣於穴中少頃即出唐時有虎害異僧伏之今山東北偏地猶名虎兕殿云

鳴山 在縣東南二十五里南連銀洞北接司空每天欲雨此山颯然有聲

銀洞山

在縣東南四十里西北連龍角下有金水河相傳山上有金銀鑛暨硃砂石礫土人因以名山

洞水南流達翼城界名曰金河 古有淘沙澄之者

翼志云相傳出金屑

月山

在縣西南二十里南接卧龍西距漫天嶺上有金輪廟始以垂拱故名月山也一云山形似月故名

上有武則天廟 俗云婆婆神

壺口山

在縣西南四十五里西接卧龍東連龍角綿亘十數里瀟水出其下 按壺口山當即巢山水

經注瀟水即巢山之水水源東南出巢山東谷是也一名蜀山又俗名氣眼山有口數十處山下空虛履之彭

彭有聲相傳漢代出銅鑄錢灶蹟猶存 舊志云蜀山在翼城縣北三十里漢鄧通鑄錢處每有拾銅與錢者

趙庄嶺

在縣西十里下有西溪

浮山縣志

卷之六

山川

西左嶺

在縣西十五里南距月山西達郡城橫亘十餘里一名黃花嶺以其地產芫花故也

浮山

在縣西四十里一名卧虎山屬臨汾 金志襄陵有浮山汾水瀟水蓋浮山本繇襄陵析也相傳洪

水橫流時此山隨水消長故名縣得各以此又云屬臨汾不知何故土人每言臨汾縣底及翟黃二村即前代

城邑然亦不可考矣

黑山

在縣北四十里一名牛首又名烏嶺為中條之別支黑水源出於此

秦王嶺

在縣北四十五里相傳唐太宗為秦王時自太原南破宋老生於霍邑從霍山東分兵詭道潛

行至此以扼前鋒曾率遊騎轉戰於柏壁村後因立廟嶺上以祀之

北天壇山

在縣東北二十里一名北堯山與南堯山胥有堯廟並祀亦中條之別支也

佛嶺山 在縣東北三十里即中條之右臂去山僅數里

祭風圪塔 在縣東北四十里為邑中諸山最孤高境

風穴山 唐萬歲通天二年樵者陳文樵子李八兒遇異

穴以鑿掘見聖者金身云

柏林坡 在縣西南二十里仁張村西月山東麓嶺半有

張果墓相傳有萬年燈

永惠泉 在縣東四里天壇山西麓鑿石引泉蓄石坎中

取之不竭

浮山縣志 卷之六 山川

四

南河 在縣南一里許源出中條由龍泊東南環城西北

境無水利唯此河有灌溉園圃之益舊有蓮花池在河

側南坡下今廢甃石尚存乃李信別墅也

滴水河 在縣南二十里俗名響水河水發聲聞數十里

源出壺口山自西南來會龍角司空二山水至

交頭河析而西流經汗水殿合濟瀆澗孫家河北趨龍

神溝至下寨橋合金水河即西溪並入汾

華池 在龍角山東峯之巔歲旱禱雨輒應相傳唐武德

初建慶唐觀苦乏水忽池水自流至觀前泊工竣

而流遽止云 孫景文天聖宮碑先是斯觀營繕之初

困於無水公輸為之失色衆人於焉疚心無何山椒之

間瀑泉噴湧枉道屈曲流於觀中號曰華池工畢而神

瀆之亦枯按孫景文碑華池水流當是開元十四年改

慶唐觀時 舊志云武德初謨

神厨泉 在龍角山天聖六年湧出古志道院之東神厨

之後闢地及泉厥味孔甘其源不竭

龍池 一在縣西二十里浮峪鄉建龍王廟一在縣東十

五里大衛里建濟瀆祠禱雨胥應

金水河 在縣西南三十五里源出浮山下乃縣境趙家嶺之西溪也北流至河裏莊錄下寨橋入汾土

人時於流沙中見金屑故名見舊志

聖王山泉 在縣西南四十里上有成湯廟泉水流至龍尾橋而分東流經馮村東張會壺口龍角司

空三山水入湔西流經燕村浮峪劉凹庄下寨河達於汾

楊村河 在縣北二十五里發源中條由唐葛柏壁村西流經楊村合黑水流入高粱達於汾

澇水河 在縣北四十里源出烏嶺下一名黑水其源北接岳陽境其傍有小澗溝合流會楊村河經臨

汾縣北岳壁界又名高河與馬臺河西入汾明洪武十一年引入臨汾城為永利池 按唐志臨汾東北十里

有高粱堰武德中引高粱水溉田入百金泊貞觀十三年為水所壞永徽二年刺史李寬自東二十五里夏柴

浮山縣志 卷之六 山川 五

堰引湔水溉田令陶善鼎復治百金泊亦引湔水溉出乾封二年堰壞乃西引晉水則是湔水為利於臨汾獨

不能為利於浮山縣志稱邑境無水利獨南河少得灌園之益者以其水卑地高難於引溉也 水經注黑水

出黑山西經楊村南又西與巢山水會 山海經曰牛首之山澇水出焉西流注於湔水疑是水也湔水即巢

山之水也水源東南出巢山東谷北經浮山東又西北流與澇水合亂流西北經高粱城北西流入於汾水

明一統志澇水源出浮山縣流經府城北西入汾河黑水在浮山縣北四十里源出黑山亦名澇水西北入於

湔水 按縣志澇水河一名黑水合流諸水今尚可考但湔水自入汾不會黑水或以水道遷移故耳

懸泉 在縣東北二十里北天壇山之西巖懸崖涓滴鏗然有聲匯流成澗甘涼透骨號曰清溪西北流合

於黑水

諸泉河 在縣北六里源出東北山出石馬臺
河人汾水相河 謂霍光別墅也

東河 在縣東四十五里源出橫嶺山下東流入山弔河

龍井 在天壇山南澗中有三一東南一正南一西南深不可測天旱禱雨輒應在西南者即今之龍泊崖懸瀑布潭深無底浴者多致沉溺

天池 在城內西南隅舜德里左周圍百步明隆慶間知縣吳增光疏通西城水道闔邑賴之

水利

瀉水 水利在臨汾縣

浮山縣志 卷之六 山川

六

澇水 水利在臨汾縣

楊村河 在縣北水流不涸居民有用積斗引以溉田者

丞相河 在縣北水流不涸居民間有引以灌溉兼種蓮者

永惠泉 在縣東天壇山西麓居民乏水鑿石引泉蓄於石窩中取之不竭民甚便焉故名

韓家河 在縣西南頗得瓜田之利

南河 在縣南一里水流多涸居民鑿井溉灌園圃闔邑蔬菜均資於此

孫家河 在縣西南其傍河之田尚可灌溉百餘畝以土人不能設法導引故未得水利也

浮邑崇山峻嶺處處溝壑並無渠道其數小河雨降則盈雨止即涸難資灌溉

八景

堯山龍井

秦嶺晴嵐

黑水清波

二峯夕照

天聖古柏

玉兔祥槐

龍洞奇珍

懸泉鳴珮